




Fréttir af verkefninu og staða framkvæmda

- **Fimm fyrirtæki metin hæf til að byggja nýjan Landspítala**
- **Nýtt hjólaskýli tilbúið**
- **Jarðvegsframkvæmdir vegna bílakjallara undir Sóleyjartorg**
- **Jarðvegsframkvæmdir fyrir nýjan meðferðarkjarna**
- **Framkvæmdir við bílastæði norðan við Eirberg**
- **Jarðvegsframkvæmdir sunnan við Eirberg**
- **Bílastæði við vesturgafl Gamla Spítala tekið í notkun**
- **Sýnið varúð við akstur í námunda við vinnusvæði meðferðarkjarnans**

Fimm fyrirtæki metin hæf til að byggja nýjan Landspítala við Hringbraut



Eftir yfirferð forvalsgagna hjá Ríkiskaupum, í forvali nr. 21068 vegna vegna uppsteypu á nýjum meðferðarkjarna við Hringbraut, hafa öll fimm fyrirtækin sem skiliuðu inn þátttökubeiðni, verið metin hæf til að taka þátt í útboði vegna uppsteyppunnar.

Þau fyrirtæki sem skiliuðu inn þátttökubeiðni og voru metin hæf eru:

- **Eykt ehf**
- **Íslenskir aðalverktakar hf**
- **Ístak hf**
- **Rizzani De Eccher Island S.P.A, Rizzani De Eccher Ísland ehf, Þingvangur ehf.**
- **ÞG verktakar ehf**

Nýtt hjólaskýli tekið í notkun



Tekið hefur verið í notkun nýtt hjólaskýli við vesturenda bílastæðis við eldhús- og rannsóknastofubyggingu Landspítala.

Hjólaskýlið er með aðgangsstýringu og myndavélakerfi tengt kerfi LSH. Skylið er kærkomíð fyrir þá starfsmenn LSH sem nýta sér það að koma hjólandi til vinnu.

Hjólaskýlið er fyrir allt að 64 hjól á tveggja hæða hjólarekkum og einnig verður aðstaða til hjólaviðgerða og loftpumpa til staðar.

(Sjá nr. 1 á korti)

Unnið við jarðvinnu vegna bílakjallara undir Sóleyjartorg



Byggður verður bílakjallari undir Sóleyjartorgi, austan við meðferðarkjarna, sunnan við Gamla Spítala.

Vinna við grunn bílakjallarans er samofin vinnu við grunn meðferðarkjarna sem og framkvæmdum við akstursleiðir sunnan við Eirberg. Þegar er búið að vinna um 40% af bílakjallaragrunninum og verður austasti hluti bílakjallaragrunns grafinn í febrúar og mars, þegar bráðabirgðaakstursleið í gegnum svæðið verður aflögð með opnun akstursleiða á svæðinu sunnan við Eirberg.

(Sjá nr. 2 á korti)

Jarðvegsframkvæmdir fyrir nýjan meðferðarkjarna



Jarðvegsframkvæmdir vegna nýs meðferðarkjarna ganga vel og eru langt komnar. Stærð grunnsins er orðin endanleg og unnið er að hreinsun upp úr rásum í grunnbotni og sú vinna langt komin. Áfram er unnið að bergstyrkingum á norðurvegg grunnsins sem munu svo halda áfram inn í grunn bílakjallara austan við meðferðarkjarnagrunn. Öll óviðkomandi umferð um framkvæmdasvæðið er bönnuð og svæðið vaktað til að auka öryggi vegfarenda.

(Sjá nr. 3 á korti)

Bílastæði norðan við Eirberg



Norðan við Eirberg og geðdeildarhús er búið að malbika ný bílastæði þar sem gömlu malarstæðin voru.

Gönguleiðir í kringum stæðin verða uppfærðar með nýjum umferðareyjum og hellumerkingum fyrir sjónskerta. Vinna við hellulagningar stendur yfir. Bílastæðin verða gjaldskyld og verða ætluð fyrir sjúklinga og aðstandendur. (Sjá nr. 4 á korti)



Jarðvegsframkvæmdir sunnan við Eirberg



Jarðvegsframkvæmdir á svæðinu sunnan við Eirberg og geðdeildarhús standa enn yfir. Unnið er að lagningu nýrra fráveitu- og vatnslagna í gegnum svæðið jafnframt því að landið verður lækkað með nýjum bílastæðum og akstursleiðum. Svæðið er lokað og starfsmönnum og gestum Landspítala er bent á að nota bílastæðin sunnan við Burknagötu meðan á framkvæmdum stendur. Framkvæmdir á svæðinu munu standa yfir fram í febrúar (Sjá nr. 5 á korti)

Bílastæði við vesturgafl Gamla Spítala tekið í notkun



Ný bílastæði við vesturgafl Gamla Spítala hafa verið tekin í notkun en eftir er að ganga frá gönguleið og grjótfyllingu norðan við stæðin og lýkur þeim frágangi í janúar. Bílastæðin eru fyrir sjúklinga og aðstandendur þeirra og verða gjaldskyld.

(Sjá nr. 6 á korti)

Sýnið varúð við akstur í námunda við vinnusvæði meðferðarkjarnans.



Allur akstur vinnutækja inn á vinnusvæði meðferðarkjarnans er frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.

(Sjá nr. 7 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfærni í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is
Aðrar almennar upplýsingar veitir Magnús Heimisson samskiptastjóri NLSH,
866 1378 eða magnus@nlsh.is.

Sértækar upplýsingar veitir af hálfu Landspítala Stefán Hrafn Hagalín 897 3644
stefanhh@landspitali.is og frá Háskóla Íslands Björn Gíslason 896 0876 bgisla@hi.is